

Тимофей Егорович Сметанин

Куоскалар уонна саһыл

Иччилэрин сорудаҕар
Икки куоска барбыттар,
Аара сииргэ анааннар
Халбаһыны ылбыттар.
Айанна сылайаннар
Аара сынньаммыттар.
Кугас куоска үтэни
Икки гына үллэрбит.
Эриэн куоска мыынан,
Эптэрэргэ көрдөспүт.
Кугас куоска аккаастаан,
Курдьугунаан кэбиспит.
Көбүстэрин бөгдөтөн
Күкээриһэн турбуттар.
Арай саһыл ньылааран
Аргыый тыатан тахсан,
Туохтан мөккүөр буолтун
Доппуруостуу турбут,
Ону-маны көрүөлээбит,
Ол кэннэ сүбэлээбит:
- Миэхэ тутгарын үтэбитин,
Бэйэбит бу көлүчэни эргийин,
Ким урут кэлбит
Талбытын ылыа, - диэбит.
Үтүө сүбэни куоскалар
Үөрүүнэн ылыммыттар.

Баралларын аҗай кытта,
Саһыл ньылаарынса
Халбаһыны хап гыннарбыт,
Сырыыта табыллыбычча
Сылбах ойуур быыһыгар
Сырбас гынан хаалбыт.
Куоскалар эрэйдээхтэр
Тэбис-тэнгэ
Тийэн кэлбиттэр,
Дэлби тирипиттэр.
Саһыл сүбэһиттэрэ
Салбаммытын таайбыттар.
Халбаһыларын аһыйан,
Ньааҕыны ытаспыттар.
Эккэлээбити эрэ барытын
Эрэммэт буолун диэнинэн
Сэһэммит биһиэнэ,
Сэгэрдээр, бүтэр.
Хайдах да ытаабыт иһин,
Хантан кэлэн харах уута
Халбаһы буолуой?!